

Sakspapir

Saksbehandler	Arkiv	ArkivsakID
Ove Sæbø	FE - 242, TI - &00	16/102

Saksnr	Utvalg	Type	Dato
017/2016	Næringsfondsstyret	PS	03.10.2016
	Kommunestyret	PS	

Næringsfondvedtekter, notat framdriftsplan revisjon.

Forslag til vedtak:

Formannskapet vedtek rådmannen sitt framlegg til framdrift og prosess når det gjeld revisjon av næringsfondvedtektena.

Saksopplysningar:

Bakgrunn

Styret i Næringsfondet bad i møte (06.09.16, sak 011) om at det vart utarbeidd eit notat med framlegg til prosess vedr. revidering av fondsvedtektena.

Gjeldande Vedtekter for bruk og forvaltning av Næringsfondet i Modalen kommune med tilhøyrande retningsliner vart godkjent i KS 19.05.94.

Kommunale tilskotsordningar for landbruket i Modalen pkt. 1 som gjeld retningsliner for næringsfondet som gjeld landbruk (vedteke i KS 07.04.11) vil også verte ein del av prosessen. Her vil det vere særleg aktuelt å gjere ei evaluering av ordninga som har virka i ca. 5 år (2011 – 2016).

Det statlege styringsdokumentet Rundskriv om standardvedtekter for kommunale næringsfond gitt i vannkraftsaker (kraftfond og hjemfallsfond) frå 2011 ligg til grunn for revideringa.

Vurdering

Drøftingane er meint å ta opp i seg tankar og retning for det framtidige næringslivet i Modalen. Eit utgangspunkt kan vere å sjå på kva Modalen som samfunn tek mål av seg å

oppnå framover når det gjeld næringsutvikling (mål), for så å gjere nokre analysar/vurderingar av ressursar me rår over pr. i dag - samt det me manglar (gap) for å kunne nå måla. Slik kan dei reviderte fondsvedtektena verte det verktøyet som bidreg til å løfte oss framover og tette gapet.

Kommuneplanen (2015) viser til kommunen sin strategiske næringsplan (1998) som trekk fram reiseliv, nettverk, kultur, kommunikasjonar og infrastruktur som viktige satsingsområde. I tillegg peiker planen på moglege retningar som t.d. etablering av nærings- og tenestesenter.

Foreløpige innspel til drøftingar:

I kva grad er noverande vedtektena i tråd med ei best mogleg næringsutvikling framover for Modalen kommune. Kva retning ynskjer kommunen å gå i?

Kva for næringar/bransjar skal vere viktige/prioriterte satsingsområde å stimulere gjennom næringsfondet? Vurdere prioriteringskategoriar for ulike næringar.

Kva nivå skal kommunen legge seg på når det gjeld støtte? Vurdere kategoriar/graderingar. Vurdere fordeling mellom lån og tilskot.

Korleis kan næringsfondet verte eit endå betre instrument for å nå dei næringspolitiske måla kommunen set seg? Kva eventuelle endringar må finne stad?

Rådmannen foreslår at administrasjonen deltek med 3 representantar og formannskapet med 2 – 3 representantar som dannar ei arbeidsgruppe. I tillegg ynskjer me deltaking frå landbruksida, t.d. Bondelaget v/ leiar. Det øvrige lokale næringslivet vert også viktige å trekke inn i drøftingane gjennom invitasjon til informasjons-/dialogmøte(r).

Rådmannen informerer kommunestyret i form av *orienteringssak* fortløpende i prosessen.

Planen er at framlegg til reviderte vedtekter med tilhøyrande retningsliner skal ligge føre til godkjenning hjå fylkesmannen i etterkant av KS-møte ca. 15.06.17.

I fortsetjinga er det skissert framdriftsplan for arbeidet.

Tidspunkt	Aktivitet / handling	Ansvar
03.10.16	<p>Legge fram for formannskapet skisse til arbeidsprosess.</p> <p>Velje deltagarar til arbeidsgruppe frå administrasjonen.</p> <p>Forslag: rådmann, landbruksjef og kultur- og utviklingssjef.</p>	Rådmannen
03.10.16	<p>Drøftar skissa og legg til sine evt. føringar/endringsforslag.</p> <p>Velje deltagarar frå formannskapet til arbeidsgruppe som skal arbeide vidare saman med administrasjonen.</p>	Formannskapet
Medio oktober 2016	Sende ut informasjon til representantar for landbruk og lokalt næringsliv om at prosessen som skal føre fram til reviderte fondsvedtekter er i gang.	Rådmannen
Medio november 2016	Invitere næringsliv og landbruk til dialog-/informasjonsmøte (to separate møter). Arbeidsgruppa orienterer om arbeidet og ber om innspel.	Rådmannen
Medio nov. – jan. 2017	Arbeidsgruppa møtes, drøfter og utarbeider skisse og status for arbeidet.	Rådmannen kallar inn.
Febr. 2017	Utkast vert presentert i formannskapet for drøfting.	Rådmannen
Mars 2017	Drøfta utkast vert sendt ut på høyring.	Rådmannen
Medio mai 2017	Utkast med innspel vert handsama i formannskapet.	Formannskapet
Juni 2017	Utkast med innspel vert handsama i	Ordførar

	kommunestyret.	
Juni 2017	Godkjente vedtekter vert sendt fylkesmannen for godkjenning.	Rådmannen

Næringsfondsstyret - 017/2016

NF - behandling:

Ove Sæbø orienterte om skisse til prosess for revidering av fondsvedtekter.

Under drøftinga kom det fram følgjande, som vert å innarbeide i det vidare arbeidet:

Organisering :

Heile næringsfondsstyret (formannskapet) deltek i styrings-/arbeidsgruppa saman representantar frå administrasjonen.

Det vert oppnemnde ei referansegruppe med representantar frå lokalt næringsliv (landbruk, IKT, kraft, reiseliv, sand-drift o.a.) og ungdomsrådet. Referansegruppa vert kalla inn til møter under prosessen.

Strategiske vegval for framtidig næringsutvikling (Ein strategisk næringsplan) vert å drøfte og revidere som del av arbeidet.

Saka vert framlagt til godkjenning av mandat i kommunestyret den 10. november

Administrasjonen kallar inn til møte i styringsgruppa den 17. november

Administrasjonen sender ut informasjon til næringslivet om oppstart av arbeidet snarast råd

NF - vedtak:

Formannskapet vedtek rådmannen sitt framlegg til framdrift og prosess når det gjeld revisjon av næringsfondvedtekten med slik tillegg:

Organisering :

Heile næringsfondsstyret (formannskapet) deltek i styrings-/arbeidsgruppa saman representantar frå administrasjonen.

Det vert oppnemnde ei referansegruppe med representantar frå lokalt næringsliv (landbruk, IKT, kraft, reiseliv, sand-drift o.a.) og ungdomsrådet. Referansegruppa vert kalla inn til møter under prosessen.

Strategiske vegval for framtidig næringsutvikling (Ein strategisk næringsplan) vert å drøfte og revidere som del av arbeidet.

Saka vert framlagt til godkjenning av mandat i kommunestyret den 10. november

Administrasjonen kallar inn til møte i styringsgruppa den 17. november

Administrasjonen sender ut informasjon til næringslivet om oppstart av arbeidet snarast råd